

Sakspapir

Saksnr	Utvalg	Type	Dato
020/18	Formannskapet	PS	22.03.2018
	Kommunestyret	PS	

Saksbehandler	Arkiv	ArkivsakID
Asbjørn Nagell Toft	FA - 233, HistSak - 12/289	14/456

Godkjenning av Enøkplan for Austrheim kommune

Vedlegg:

Enøkplan for Austrheim kommune 2018

Framlegg til vedtak:

Formannskapet i Austrheim kommune godkjenner Enøkplan for Austrheim kommune. Enøkplanen er datert 05.03.2018. Grunngevinga for vedtaket er gjeve i saksutgreiinga.

Formannskapet - 020/18 - 22.03.2018

FS - behandling:

Rådmannen sitt framlegg vart samrøystes tilrådd.

FS vedtak:

Formannskapet i Austrheim kommune godkjenner Enøkplan for Austrheim kommune. Enøkplanen er datert 05.03.2018. Grunngevinga for vedtaket er gjeve i saksutgreiinga.

Saksopplysninger:

Austrheim kommune sin enøkplan inneheld politikk, mål og strategi for enøk-arbeidet i kommunen. Enøkplanen er datert 05.03.2018. Planen gir eit oversyn over bygg, ressursar og status i høve til energibruk. Enøkplanen inneheld og ein *handlingsplan*. Enøkplanen er forankra i gjeldande **Klima- og energiplan for Austrheim kommune**. Denne planen er rammegjevande for alle kommunale planar og er eit viktig verktøy i all kommunal planlegging. Kommuneplanen sin samfunnsdel i Austrheim tek også opp dette temaet.

Austrheim kommune vedtok gjeldande Klima og energiplan 18.mai 2011. Mellom dei prioriterte tiltaka i planen er reduksjon av energibruk i kommunale bygg, energioppfølging, auke kompetansen i energieffektiv drift av bygg og auke bruken av vassboren varme. Omlegging til fornybar energi er eit viktig tema i denne planen. Austrheim kommune skal vere kjent som ein kommune med god miljøprofil. Effektiv energibruk skal vere ein vesentleg del av dette. Austrheim kommune skal tilby eit optimalt inneklima med minimal bruk av energi. Det står i kommuneplanen sin samfunnsdel som vart

vedteke i 2015 at:

Kommunen skal leggje til rette for reduksjon av energibruk og klimagassutslepp gjennom energieffektivisering, utbygging av fornybar energi.

Enøkplanen omfattar dei kommunale bygga i Austrheim kommune. Desse er grupperte i kategoriane "skular", "barnehagar", "helsebygg" og "andre bygg". Enøkplanen innheld ein tabellmessig oversyn over større, bygningsmessige tiltak som er gjort i dei bygga som er omfatta av denne planen.

Enøkpotsiale for dei ulike bygga er vurdert i planen. Oversyn over dei kommunale bygga med vassboren varme er og vist i enøkplanen. Energikostnad for dei enkelte bygga er med. Det gjeld og oversyn over energibruk fordelt på ulike energikjelder. Generelle data for dei ulike bygga slik som storleik, alder, energibruk, energikostnader og teoretisk sparepotensiale ut frå normtal er med i enøkplanen.

Austrheim kommune skal elles tilby eit optimalt inneklima med minimal bruk av energi. Nokre viktige faktorar i høve til eit godt inneklima er ventilasjon, trekk, temperatur, luftkvalitet, lystilhøve og reinhald. Temperaturen innendørs bør vera 21 grader Celsius, det gir best inneklima og arbeidstemperatur. Tilsette og brukarar må kle seg i forhold til aktivitetsnivå, vær og vind. Det betyr at alle må læra å halda seg varm med å kle seg rett heile året, også inne i kommunale bygg. Oversyn over dei kommunale bygga med vassboren varme er vist i enøkplanen.

Enøkplanen har som mål at:

-Energibruken i kommunale bygg skal reduserast med 5 % innan 2023 samanlikna med 2018.

-Fasa ut oljefyring innan 2019 og erstatta oppvarminga med effektive varmepumper.

-Fasa ut all bruk av gass til oppvarming av kommunale bygg innan 2025.

-Redusera bruken av panelomnar til eit minimum, og berre i eldre mindre bygg.

Lønsame, energisparande tiltak skal kartleggast og gjennomførast slik at driftskostnadene vert reduserte utan at dette går ut over ytre miljø, inneklima og øvrige funksjonskrav. Enøkplanen har med ei tiltaksliste.

Vurdering:

Rådmannen synes at **Enøkplan for Austrheim kommune** gir ein god oversikt over kommunale bygg og energibruken i desse. Tiltak frå klima- og energiplanen ligg til grunn for utarbeiding av enøkplanen. Rådmannen synes det er positivt at kommunen no har fått på plass ein enøkplan med opplista tiltak for å kunna nå dei måla kommunen har her. Rådmannen meiner det er viktig å ansvarleggjera einingsleiarar og tilsette til god energiøkonomisering. Det å ansvarleggjera brukarane av kommunale bygg til god energiøkonomisering må og gjerast i den daglege drift.

Rådmannen meiner og at kommunen må prioritera å søkja om midlar til energiøkonomisering og til prosjektering av enøktiltak der det finst ordningar for det. Det å erstatta alt fossilt brensel til oppvarming med fornybar energi er sjølv sagt i dag, etter rådmannen sitt syn. Rådmannen synes det er positivt at Enøkplanen no er ferdig til godkjenning. Rådmannen rår til at **Enøkplan for Austrheim kommune** datert 05.03.2018. vert godkjent slik den ligg føre.

Konklusjon:

Austrheim kommune godkjenner Enøkplan for Austrheim kommune slik den ligg føre.

